

### Experiment von xx.

groben Tölpel willen/ die da bald wollen zufallen/ vnd vermeinen sie habens alles an der Schnur. Mein lieber Gesell / es gehört Verstand vnd ein Gewissen darzu/ die Simplicia haben ihr Secreta beyde gut vnd böse wollen zuzeiten ein Correctur haben. Secundum qualitates, cum aliquo temperamento & iudicio. Darumb spricht Hippocrates Aphor. 1.

*Vita brevis, ars vero longa, occasio autem praeceps.  
Experimentum periculosum, iudicium difficile, &c.*

## Das Sechzehende Capitel.

### Vom Sawrampffer.

**S**awrampffer wird bey vnsern Apotekern *Acetososa* genandt/ im gemeinen Gebrauch/ bey etlichen *Acedula* oder *Acedosella*. Darumb ist er zweyerley/ einer klein/ der ander groß/ Dioscorides nennet ihn in der vierdten Zahl/ vnd den Letzen oder *Lapatis*/ *Oxalida*/ vmb seines sauren Geschmacks willen / Etliche wollen auch / es möchte *Oxylapathus* heißen / wird vnder die Grundwurz / *Nienwel* genandt / gezehlet (die *Lapatum acutum* heißt) Desselben Geschlechts / ist auch der *Münch Rhabarbara*/ vnd ist die rechte wilde *Rumex* als *Dn. Hieronymus Bock* in seinem *Herbario* bezeugt/ dasselbige wilde *Rumex* ist erstlich auff dem *Symons Walde* / im *Schwarzwald* gefunden worden / vnd nachmals durch die *Barfässer* vnd *Carthäuser Mönche* in den Klöstern herlich vnd heimlich vmbgesagt vnd gepflanzt. Darnach die reiche Leute überredet/ sie haben den Samen auß *Barbarien* gebracht/ vnd sey rechte *Barbara*/ diß ist weit gefehler.

*Sawrampffer* / den ich hieher für ein *Pestilenz Kraut* setze / ist ein rechter *Rumex* / im anfang des *Meyens*





Weyens thut sich der stens  
gel herfür / mit angelegts  
ten/spitzigen blättern. In  
obersten des stengels/ wess  
den ganz kleine braunrote  
Blümlein / mit gelbgrüne  
vermischer / bringet einen  
dreyeckeren kleinen Sas  
men / der wird viel in der  
Arzney gebraucht / die  
Blätter vnd Stengel ganz  
saurer vnd frisches Ges  
schmacks / werden in den  
Salsen vnd Speisen ges  
braucht / seind gesund im  
Sommer / treibet auß die  
Cholerische Hitz/temperies  
ren alle giftige Ding / lö  
schen den Durst/ kühlen die  
hitzige Febres/stärcken das  
Hertz vnd die Leber.

Item/ ein Conserva von  
den Blättern gemacht/wie  
wan Rosenzucker macht/  
vnd desselbigen genüget/  
stärcket das Hertz / kühlet  
die giftigen Febres dassel

bige thut auch Sawrampffer Wasser getruncken/ bes  
wahret den Menschen das er nicht liederlich durch die  
Pestilenz inficiert kan werden/vnd so jemand inficiert  
were / dem ist diß wasser / vnd Scabiosen Wasser sehr  
dienstlich getruncken / für böse Hitz.

Ein Durativum Pestis / Nimb Sawrampffer sa  
men ein quintlein / klein geriben / ein quintlein Tyriack  
dazzu / mit Sawrampfferwasser oder Scabiosen was  
ser



## Experiment von xx

ser getruncken/ bald nach der gebürlichen Aderläß/ ist ein tröstlich Curativum.

Item/ man si id gemeinlich bey den Scribenten/ daß sie in ihre Curativa vnd Preservativa diesen Samen verordnet/ als ein Bezoarticum/ vnd ist ein bewärrt gu: Simplex.

Syrupus de succo Acetose / ist ein löbliche rheure vnd tröstliche Arzney / für allerhand hitzige Febres vnd faule vncine Brandheiten/ die von corromptem Gebüt herkönnen / desgleichen ist der Zulep vom Wasser gemacht / dienstlich für den Schorböck/ Stomacacie genant/bey den Seestädten wolbekant.

Item / Sawrampfferwasser außwendig auff alle hitzige Geschwulst/ Beulen vnd Apostemen gelegt / kühlet vnd mildert die Hitz/ dergleichen mehr andere Tugendt findestu in den teutschen Kräutterbüchern/ hieher ohne noth alles zu schreiben.

## Das Siebenzehende Capitel.

### Von der edlen Tormentilla.

**T**ormentilla ist ein recht Hauptstück vnd Basis/ allein oder in andern Medicinis vermischet/ für Gift/ vnd sonderlich wider die Pestilenz/ welches alle Doctores vnd Scribenten bezeugen. Tormentilla wächst an den Rächen vnd Wälden/ in den Rohrbüschlen/ vnd in den Birckē/ Daher sie auch Birckwurtz genant wird/ auch von etlichen Blutwurtz/ dann sie allen Blutfluß stillt. Diese Wurtzel treibt Jährlich im Aprillen ihre dünne / runde / subtile gertlein / nicht über einer spannen hoch / ein gelbes zartes Blümlein / die Blätter zertheilt in fünff oder sechs auch wol sibem theile/ wie ein Stern/ dem Fünffingers Kraut ganz sehr ähnlich an Kraut vnd Blumen. Bey dem Pandectario ist Tormentilla die erste Historia. Etliche Wundärzte nennen diese Wurtzel Ferulum/

Sers